

春秋穀梁經傳補

春秋莊公閔公經傳第三補注第五

即位閔公莊公史記名開世本名啟方母叔姜哀姜之姊也以惠王十六年即位凡閔之論古書多作滌案漢書藝文志曰春秋古經十二篇謂左氏春秋經也又曰左氏傳三十日經十一卷謂公羊穀梁春秋經也又曰左氏傳三十卷公羊傳十一卷穀梁傳十一卷謂左傳卷數不與經篇數同公羊穀梁傳卷數皆與經卷數同也何休說公羊云繫閔公篇於莊公下故十二公為十一卷也公羊音義於僖十六年云本或從此下別為卷案七志七錄何注止十一卷公羊以閔附莊故也後人以僖卷大愧分之爾穀梁音義於莊十九年云傳本或分此以下為莊公與閔公同卷唐石經公羊及鄂州本僖公第五其下注曰卷四以至哀公第十二注曰卷十一凡此皆何范本十一卷之證也三家之經各有所受閔不別卷者蓋因文稀簡少附合前篇後易繚素亦遂仍之而何休以為子未三年無改於父之道引傳三年稱子云云不可通於穀梁之義

穀梁 范氏集解 鍾文烝詳補

元年春王正月繼弑君不言即位正也繼弑君不言即位

之為正何也據君曰先君不以其道終則子不忍即位

也補曰君無不行即位之禮者行其禮而不書見嗣子

森曰君試賦以仁治也二書葬以義治也君試

三月夫人孫于齊桓公夫人姜也補曰何休曰非實孫

遜後同左氏公羊音義孫遜互易者謬孫之為言猶

孫也子孫之孫也爾雅子之子為孫郭璞曰孫猶後也

已也相假後來又製通字爾雅曰遜也孫炎曰遁逃

去也易序卦傳曰遜者退諱奔也補曰內諱公夫人奔

也明亦若退在後生矣諱奔也謂之孫公羊亦同諱

于陳獻公孫于齊今君再在孫明臣子之辭如是奔急

緩辭接練時錄母之變始人之也今又書者於練時感

夫人不與祭故始以人道錄之補曰接與際同義猶言

會也練者十三月之祭此日以練布為冠服故以名祭

卽小祥也注言以人道錄之非傳意王念孫曰傳言錄
者閔錄之也人之者仁之也謂於練時閔錄夫人之不
與祭於是始仁之也公羊言念母此言仁之其義一也
仲尼燕居注曰仁猶存也墨子經篇曰仁體愛也說文
曰仁親也又方言曰凡相憐哀九疑湘潭之間謂之人
兮中庸曰仁者人也注曰人讀如相人偶之人以人意
相存偶之言表記曰仁者人也注曰此其言舍之何仁之
人與仁同義公羊成十六年傳曰此其言舍之何仁之
也曰在招丘惓矣何休注曰仁之者若曰在招丘可悲
矣閔錄之辭表記注引公羊傳仁之者若曰在招丘可
人二字多通用義通故字亦通也文烝案王之古書仁與
句明所以特書孫齊通義也公羊曰夫人烝案王之古書
孫子齊何念母也賈逵服虔說左氏曰桓公之薨至是
年三月期而小祥公憂思少殺念及於母以其罪重不
可以反之故書孫子齊耳其實先在於齊本未歸也孔
廣森以爲莊公念母將迎而復之乃著之曰是時固孫
于齊也前此孫文無所施文烝案他孫不言氏姓貶之
及凡奔皆去而不反之辭此孫亦獨異不言氏姓貶之
也哀姜有殺子之罪輕故僖元年曰夫人氏之喪至自
之齊去姜以貶之文姜有殺夫之罪重故去姜氏以貶
之此輕重之差補曰此氏姓與隱九年異男子有姓有
氏姓女子姓而已姓卽氏氏卽姓僖八年傳曰言夫人

必以其氏姓婦人以姓爲重且變於君之直言公也注
云云者與左氏賈服說略同賈服以爲殺子罪輕故孫
不去姜氏賈又說喪至但去姜之義孔廣森曰夫人
姜氏孫于邾是內絕之之辭絕之則無惡也於其喪歸
乃復以小君事之故惡之於彼夫人孫于齊內逆之
辭也自後遂終以小君事之故惡之於此後不待貶矣
人之於天也以道受命
下所云以言而在天亦若諄諄然者也制謂限制令者號令
其中有天焉下三年傳曰三合然後生是也道者天
之際可言可行之名也自天之人則曰自誠明謂之性
自人達天則曰自明誠謂之教性始之教終之道在其
中矣堯舜性之自誠明也誠者天之道也湯武身之自
明誠也誠之者人之道也誠則不誠其身善者所性而
謂反身而誠也不明乎善則不誠其身善者所性而
也誠言乎自成也道言乎自道也皆大名也若道與德
對文則道者若大路也德者得善於身也其綱親親仁
也尊賢義也其殺其等禮所生也其目君臣也父子也
夫婦也昆弟也朋友之交也皆道也所以行之者知也
仁也勇也昆弟也皆德也言乎心之皆有則曰仁也義也禮也
知也言乎心所同然則曰理也義也此夫子思孟子
之精言而傳之所指也中庸曰自誠明謂之性自明誠

謂之教其發端則曰天命之謂性率性之謂道脩道之謂教陸賈曰天地生人以禮義之性人能察己所以受命則順順之謂道董仲舒曰明於天性知自貴於物然後知仁義知仁義然後樂循理諸文語意皆與傳同而陸生似卽本處善然後樂循理諸文語意皆與傳同而陸生似卽本傳義但陸以受命之後能順爲道傳言受則已兼有順義與下以言受命一例天者自始生而然也天命之謂性也受命者終身之所受也率性之謂道也案下傳三合然後生詩大雅曰天生烝民有物有生也直諸生字皆曰民受天地之中以生論語曰人之生也直諸生字皆謂始生而左傳論語二生字又爲生存生活之生與始生之生相因爲義可知此傳二句之說矣○性之爲字从心从生是由始生得名故曰生之謂性曰性者生之質曰與生俱生是其訓詁然也經傳性字有二解如孝經天地之性人爲貴直訓生也父子之道天性則性情之性也左傳民樂其性亦生也協於天地之性性情之性也夫傳言人之於天以道受命而皋陶曰天敘有典天秩有禮逸書大甲曰顧諟天之明命尹吉甫曰天生烝民有物有則民之秉彝好是懿德劉康公曰民受天地之中以生所謂命也夫子曰人之生也直子思曰天命之謂性自誠明謂之性比而觀之性善明矣然而孟子言性善乃爲發前聖所未發者可欲之謂善無惡之

謂善孟子以爲人性但有善無有不善且人人所同此性字真切究竟之義其原出於中庸之言誠而自詩書以來皆引而不發子貢所謂夫子之言性與天道不可得聞者也論語言性之文唯曰性相近也習相遠也唯上知與下愚不移其辭最渾而其理最密得其言不得其意未有不以爲善惡混者又未有不以爲三品者非孟子固不能辯之矣蓋自夫子沒而微言絕學者多失其旨於是子賤漆彫開世碩公孫尼之說有樂記之說有告子四章之說有公都子所稱告子曰及兩或曰之說大率或言靜或言動皆有似乎相近之言而孟子有性善有性不善者則又似乎上下不移之言今取孟子之書詳考而深釋之入與聖人皆同類而相似即口目耳鼻四肢之形色其血氣心知之中而仁義禮智具焉斯則謂之爲天性性不可知於情知之情不必專善而以其皆有惻隱羞惡恭敬是非之心乃所謂故以利爲本者故知其皆有仁義禮智根於心而所性皆善雖曰皆善而非堯舜之至誠不可言性之雖非性之而皆可反身以思誠即皆可以爲堯舜惟不思不求而不能盡其才陷溺焉括以焉則其本相近者倍蓰相遠而至於無算斯夫子所謂下愚矣下愚從習而來至此則不於移相遠之實以下愚爲極相近之名從上知而生此則孟子未嘗引論語而實密合論語之意廣大精微明白

淮南子亦云
四子說樂
記說告子
玉說皆即
是可不為
可為不為
之說雖難
所謂善惡
是也轉子
所謂中
也

洞達言天人性道者必至此而其說乃盡文烝讀孟子
積久乃悟之章句既多用特舉括焉聖人與我同類同
類者相似二語最分曉以聖人之與人相似即知人之
與上知相近也相似即近是相近而於所謂好惡與人之相
近所謂遠禽獸不遠者近遠之文雖同其意異也七篇
言性最先處曰孟子道性善言必稱堯舜堯舜者善之
極性之準以是知論語兩相字必指上知也一章再出
子曰昔者始吾於人是知論語兩相字必指上知也
之知明性中有知無愚而下愚之例也四德有智即上知
不學民斯為下也趙岐解倍徙無算云非天獨與此人
惡性其有下愚不移者譬如被疾不成之人所謂童昏
也此注是也趙又解湯武反之云反之於身明反非反
性之謂管子言內靜外敬能反其性性將大定莊子言
反性復初彼皆道家之學異乎孟子所論也宓子漆彫
子世子公孫尼子之書見漢志而王充論衡稱之曰周
人世碩以為人性有善有惡舉善性養而致之則善長
因惡性養而致之則惡長故世子作養書一篇宓子賤
漆彫開公孫尼子之徒亦論情性與世子相出入皆言
性有善有惡此即公都子所述可以為善可以為不善
之說也樂記亦公孫尼子所作其言曰人生而靜天之性
也感於物而動性之欲也民有血氣心知之性而無哀
樂喜怒之常其言靜即告子無善無不善之說其言動

卽告子杞柳湍水食色及以生訓性之說亦卽可爲不善之說也至於仁義禮智信五性爲五行物象之說好惡喜怒哀樂六情生於六氣之說又有喜怒哀懼愛惡欲七情之說又有性不發爲陰情形外爲陽氣有仁陰氣有欲之說又此等分論性情皆於孟子無妨古性其情情其性之說不知愛其類亦曰凡有血氣皆有爭人言孩提之童知愛其親亦曰凡有血氣皆有爭心言孩提之童知愛其親亦曰凡有血氣皆有爭言人患言道心之微兼言人之心之危此等言人情言孟子無妨詩書所稱不以好惡喜怒哀樂之無節於論性其曰節性者則以好惡喜怒哀樂之無節於性之意也言豈一端各有禮好非子思孟子作性善大旨而已荀卿後出其學深於禮好非子思孟子作性善大旨篇與孟子爲難而以性與偽對則亦明知性之爲誠漢儒言天地生人以禮義之性言明於天性知自貴於物然後知仁義重禮節安處善樂循理言天之性所生皆有仁義禮智順善之心保定人甚固其餘言五性者甚衆而後來輯古文書者言恆性說文之訓則直曰性善者也其實於孟子之言終未能篤信而發明之故董仲舒著書言性未可謂善其後楊雄荀悅及王充本性唐韓子性原皇甫湜之論杜牧之辯皆不宗孟子者也李翱

聖人遺德
 禮不其復
 性
 精義名理
 四字通貫
 詞賦詩話
 即君樂
 記天理亦
 云理猶性
 也必如朱
 子云在心
 性微性在
 亦與理
 方得分明
 張程朱呂
 性皆周子
 太極之學
 也太極之
 學實從易
 大傳三句
 來

宗孟而始為滅情復性之說性不可言復且離情無以
 求性矣宋周子善談名理而程子因以有理與氣之說
 張子亦有天地萬物莫不有性故水性下山性生羽性輕雪
 子夫天生萬物莫不有性故水性下山性生羽性輕雪
 性消玉性堅犬性守牛性順馬性健而人性則善善謂
 之仁義禮智仁義禮智之心有所同然者謂之理義今
 日性即理也才不及在我在物之別則語未足矣人有性
 而情以見之才以充之形色以載之或謂之天性或謂
 之血氣心知之性氣質之性則辭又費矣且諸大儒之發
 分論天地之性氣質之性終不合一則後人安得無疑哉周
 子以來皆引易繫辭傳一陰一陽之謂道繼之者善也
 成之者性也先道次善而後及性與中庸孟子所指各
 殊其言道即論語之天道大戴禮本命言分於道謂之
 命者也今不於人也以言受命臣子則受君父之命婦
 復繁文焉初有男女而後有夫婦有父子有君臣帝
 王之教生民之初有男女而後有夫婦有父子有君臣帝
 王之教親命也臣之天父者子之天夫者妻之天是故子
 也無所逃於天地之閒陰之從陽女之順夫天地之非君
 也三綱之道本諸性而垂諸教者也以道受命以言受
 命其實一也言或有不當受者若傳論曹世子則亦以

莊子南生

五

道為不若於道者天絕之也不若於言者人絕之也順若
斷也補曰爾雅文也惠士奇曰婦人殺夫天與人皆絕之
案左傳曰言義得貶夫人補曰臣謂時史子謂莊公史
子大受命承公意錄母之變存以人恩宜大所以受命
於天人者不可不貶夫人此君子所以示義蓋舊有姜
氏文而削之君子亦史臣也子則亦容時君或言臣得
連言子耳自人之於天也以下董仲舒繁露亦有其文
董未必用穀梁蓋古書成文也末一句當非成文或董
所本無矣葉夢得曰有春秋之教有春秋之法教者施
之後世曰夫人矣不可謂之奔故言孫法者行之其人
於魯故不書氏容

夏單伯逆王姬

○撰異曰逆左氏作送左以經諸單伯皆

稱費伯與單伯相似又史記魯邑有單父明單伯實魯
大夫矣孔廣森曰逆則据往之日書先行單伯而後築
館可也送則据來之日書時尙未有以居單伯者何晉
王姬也是不可通也案此即張洽俞舉說單伯者何晉
大夫之命乎天子者也命大夫故不名也單姓也伯字
諸侯歲貢土

于天子天子親命之使還其國爲大夫者不名天子就其國命之者以名氏通也補曰注言歲貢土者射義言古者天子之制諸侯歲獻貢土於天子故范云爾但據鄭君注以歲獻爲獻國事之書及計偕物以貢土爲三歲而貢土則范非也何休曰禮諸侯三年一貢士於天子天子命與諸侯輔助爲政所以通賢其治示不獨專重民之至大國舉三人次國舉二人小國舉一人何注與伏生書大傳同射義注悉依爲說范言天子就其國命之者以名氏通亦非也大夫稱名氏者皆其君所命君不命則名而不氏此乃傳之明文范說不亦謬乎王制曰大國三卿皆命於天子次國三卿二卿命於天子一卿命於其君小國二卿皆命於天子次國三卿二卿命於其君鄭君疑記文誤脫以爲小國亦三卿一卿命於天子二卿命於其君單伯後不卒何休無說當與柔弱皆同其不言如何也據僖三十年公子其義不可受於京師也其義不可受於京師何也曰君躬弑於齊使之主婚姻與齊爲禮其義固不可受也禮尊卑不敵天子嫁女于諸侯殺于齊若天子命使爲主則非禮大矣春秋爲尊者諱故不可受之于京師補曰爾雅曰壻之父爲姻婦之父

為婚注天子嫁女二句本公羊也衰麻接弁冕亦是義
不可受下傳乃備言之君躬各本誤作躬君今依胡安
國傳俞臯集傳釋義本李廉會通本趙汭集傳乙正王
引之曰注以魯桓釋君親釋躬傳文誤倒未考宋元人
所見本也音義曰弑又作殺

注同案段字是今注未誤

秋築王姬之館于外補曰毛詩傳聘禮注皆曰館舍也說

與公所為也私館者自卿大夫以下之家也曾子築禮
問略同加之者緩辭○撰異曰館白虎通引作觀築禮

也補曰於禮宜築館也築館與築邑築臺築園亦同但

無文成十八年傳所謂築不志也何休曰繕故于外非
日新有所增益曰作始造曰築說文曰築擣也

禮也禮外城也補曰於築之為禮何也非一宜不須改

築主王姬者必自公門出設公門朝之外門主王姬者當

館在公門之內築王姬之館補曰朝者治朝治朝之外門

即雉門也雉門曰公門言必自公門出者所以起下二
句注末二於廟則已尊於寢則已卑為之築節矣補曰

句宜刪去

曰於路寢則不可小寢則嫌羣公子之舍則以卑矣其道必為之改築者也何休曰公子女公子也當築夫人之下羣公子之上文烝案節上築之外變之正也築之制斷也傳意似當築廟下寢上

外變之為正何也補曰俞樾曰當作變之字誤倒**仇讐之人非**

所以接婚姻也補曰謂非可於**衰麻非所以接弁冕也**

親迎服祭服者重婚姻也公時有桓之喪補曰喪服經曰斬衰裳其經杖絞帶冠繩纓菅屨者父凡服上曰衰

下曰裳男子衰與裳殊此言衰則該裳矣麻謂首要經也斬疏齊大小功布緇五服皆曰衰其經皆麻言衰麻

猶言衰經此以配衰而足其文非指衰之布為麻也弁冕皆親迎之服大夫以上服冕此兼言弁亦以足句又弁是大名故疏曰弁冕者連言之周禮弁師掌王之五冕故傳亦通言之也趙匡曰言築之為宜不若辭之為

正也故君子貴端**其不言齊侯之來逆何也不使齊侯**

本也孫復亦云**得與吾為禮也**補曰齊侯與魯不可相為禮不復讐則

侯親逆不至京師文王親逆不至於治則天子諸侯親

迎皆不至婦家矣今恐不然何者此時王姬魯主婚故

不至京師詩稱親迎于渭者為造舟

冬十月乙亥陳侯林卒諸侯曰卒正也

補曰疏曰重發之者此共錫命相連

恐日月為錫命錄故明之

王使榮叔來錫桓公命

榮氏叔字天子之上大夫也禮有

則四日朱戶五日納陸六日虎賁七日弓矢八日鈇鉞
九日桓鬯皆所以褒德賞功也德有厚薄功有輕重故
命有少何休曰桓弑逆之人王法所宜誅絕而反錫
命悖亂天道故不言天子也文五年王使榮叔歸含且
贈則曰含者臣子之職也以至尊行卑事故不言天王
也三月王使毛伯來會葬又曰刺比失禮故亦不言天
王也甯案僂二十四年天王出居于鄭不可最大矣禮
天子既有贈含之制傳但譏二事共一使耳言且所以
示議一事無再貶之道也以天王之尊會人妾祖母之
葬誠失禮矣孰若使任叔之子來聘使家父來求車之
不可乎此三者皆言天王明非義之所存舊史有詳略
夫子因而弗革故知曲說雖巧致遠則滯矣補曰此依
杜預以榮為氏文五年注以榮為采地三公至元士皆同榮
云未受采邑故不稱氏氏即采地三公至元士皆同榮

叔亦得爲中大夫也書序有榮伯爾雅曰錫賜也九錫
之文本何休注何休又曰百里不過九命七十里不過
七命五十里不過五命范謂以功德爲多少與何異也
韓詩外傳春秋緯禮緯皆言九錫書大傳則言諸侯三
年一貢士一適謂之好德再適謂之賢三適謂之有
功有功臣天子適謂之賜以車服弓矢再賜以臣鬯三賜以
虎賁百人號曰命諸侯是三錫也但春秋錫命及左傳
諸侯伯略相皆未可援三錫九錫爲說惟齊桓晉文錫命
爲侯伯略也春秋書錫命三桓書王文書天王成書天子
有詳略也其義一而或稱王或稱天子者成八年傳云
其義一也其義一而或稱王或稱天子者成八年傳云
見一稱也但傳惟以見一稱釋天子而不釋王者天子
終春秋祇一見而王則本配諡之稱其爲見一稱易明
無待釋也夫同此錫命一事而其文三變焉所以得爲
見一稱耳至於策叔歸合召伯會葬皆在文公逆祀後
則是傳所謂文無天者因魯起義非闕王身而先儒亦
莫能悟深可喟矣大氏王不稱天決無貶王之名春秋
言王言天言天子言王后言公言夫人皆稱名之最
尊者雖有貶時不貶於其禮有受命無來錫命錫命非
正也

正也

曰賞人於朝與士共之是來受命補曰鄭君注曰伯

命諸侯則償之是來受命補曰鄭君注曰伯

命諸侯則償之是來受命補曰鄭君注曰伯

命諸侯則償之是來受命補曰鄭君注曰伯

命諸侯則償之是來受命補曰鄭君注曰伯

命諸侯則償之是來受命補曰鄭君注曰伯

命諸侯則償之是來受命補曰鄭君注曰伯

命諸侯則償之是來受命補曰鄭君注曰伯

命諸侯則償之是來受命補曰鄭君注曰伯

命諸侯則償之是來受命補曰鄭君注曰伯

進之也王將出命假祖廟立依前南鄉僨者進當命者
延之以命使登內史由王右以策命之降再拜稽首登受
策以出此其略也諸侯生服之死行之禮也補曰公羊
爵祿其臣則於祭焉何休曰言命不言服者重命不
賜也命者何加我服也何休曰言命不言服者重命不
重其財物孔廣森引觀禮諸公奉篋服加命書于其上
大史述命侯氏降拜升成拜生不服死追錫之不正甚
矣補曰周禮大史賜諡無追錫命之禮何休曰禮生有
追命失禮最大故以甚言之文烝案杜預釋例曰天子
錫命其詳未聞諸侯或即位而見錫或歷年乃加錫或
已薨而追錫魯桓薨後見錫則亦衛襄之比也魯文即
位見錫則亦晉惠之比也魯成八年齊靈二十三年乃
見錫隨恩所加
得失存乎其事

王姬歸于齊

補曰齊侯來逆而姬歸也何休曰內女歸例

魯為之中者歸之也

補曰明與紀季姜略同與齊桓夫

女為之中者歸之也人異重發傳者彼為媒此為主也
讀同彼傳丁浴日中當作主疏云彼王姬非魯主
昏又二年傳為之主者卒之也明此亦當為主

齊師遷紀邾鄆部

補曰爾雅曰遷徙也蒼頡篇曰徙移也

先儒失之今以夏紀國也邾鄆部國也此國以三或曰

小正傳例推知十年宋人遷宿傳曰遷也言為名

遷紀于邾鄆部宿不復見矣齊師遷紀四年復書紀侯

大去其國者紀侯賢不與齊師之亡紀故變文以見義

邾鄆部之君無紀侯賢不與齊師之亡紀故變文以見義

邾鄆部之君無紀侯賢不與齊師之亡紀故變文以見義

邾鄆部之君無紀侯賢不與齊師之亡紀故變文以見義

邾鄆部之君無紀侯賢不與齊師之亡紀故變文以見義

邾鄆部之君無紀侯賢不與齊師之亡紀故變文以見義

邾鄆部之君無紀侯賢不與齊師之亡紀故變文以見義

邾鄆部之君無紀侯賢不與齊師之亡紀故變文以見義

諸稱或曰其一曰者文同而義異也皆示傳疑兼存之師說如是

二年春王二月葬陳莊公

夏公子慶父帥師伐於餘丘

慶父名字仲父補曰杜預曰莊公時年十五則慶父莊公

庶兄案慶父諡曰共仲也慶父所弑乃莊之子故國而不如單豫貶且單弑別無見文慶父弑當文自見

曰伐於餘丘邾之邑也其曰伐何也

補曰據凡言伐國之內不必迫近國都雖伐於餘丘當言伐邾李廉曰經

書魯大夫帥師伐國者九獨於餘丘以邑而書伐欲以起問者察

事情也

公子貴矣師重矣而敵人之邑公子病矣

補曰

既貴且重乃敵一邑病也

病公子所以譏乎公也

補曰大夫

明特變國言邑以顯新義

其一曰君在而重之也

邾君在此邑故不繼于公命告

公命告其一曰君在而重之也邾使若國補曰疏曰一

日之說亦解稱伐之意言為君在重之使若國然故邑亦稱伐文烝案此亦解變國言邑之意注本公羊失之

未了

秋七月齊王姬卒補曰何休曰內女卒例曰外女爲之主者

卒之也主其嫁則有兄弟之恩死則服之服之故書卒

此亦讀爲之主者絕句我爲之喪魯莊公爲之大功補曰

仍史之舊也主字各本脫今依唐石經陸涪集傳纂例

冬十有二月夫人姜氏會齊侯于禚齊地補曰月者爲

不月則此亦當不月○撰異曰婦人既嫁不踰竟踰竟

禚公羊作郛玉篇禾部引作糕婦人既嫁不踰竟踰竟

非正也近淫也此通說諸婦人踰竟事外則婦人不言會

言會非正也非婦人會或在竟內或在竟外君大夫之事

聲姜二會并饗甚矣饗在四年補曰饗者兩君之事亦

乙酉宋公馮卒補曰疏曰馮是穆公長子與

甚也此指說四年事尤

十

三年春王正月溺會齊師伐衛

徐逸曰傳例曰往月危往

師而魯與同其理危也補曰徐意危往之義徐以危往又

夫徐是也傳言會仇讐解溺直稱名之義徐以危往又

別取一義○撰異曰師各本溺者何也公子溺也左氏

誤作侯今依唐石經改正據二年公子慶父帥師伐於

公羊皆其不稱公子何也餘丘稱公子補曰當云據凡

公子無惡其會仇讐而伐同姓故貶而名之也溺亦所

不氏者惡其會仇讐而伐同姓故貶而名之也溺亦所

以讖公也溺後不卒者何休以為莊公薄於臣子之恩

故不卒大夫與桓同義文烝案溺卒在莊世容有其理

要亦其卒時實無恩禮史所不書莊公十子中自末年公

其卒在莊世不書亦其比也桓莊五十年中自末年公

子牙外無卒大夫者翬卒當是君子所削其餘如柔溺

夏四月葬宋莊公月葬故也

補曰重發傳者五月而葬非

也

五月葬桓王傳曰改葬也

若實改葬當言改以明之猶郊

七年乃葬故謂之改葬補曰此引舊傳文公羊又傳當以

注伯疑之又引改卜牛亦不倫矣前者桓王之葬亦不書也今

下所謂天子志崩不志葬也猶平王之葬亦不書也今

此改葬故特志之疏矣引感精符以申范非也依左傳

葬有闕則改葬鄭君喪服記注謂改葬之禮總舉下緇

也桓王記改葬最下言舉下緇上從桓王當服總也猶晦震

夷伯之廟因明天子諸侯之制不謂夷伯非魯之大夫

也甯之先君與蔡司徒論之詳矣江熙曰葬稱公舉五

等之上改葬禮總舉五服之下以喪而遠也天子諸

侯易服而葬以爲交於神明者不可以純凶況其緇者

乎是故改葬之禮其服唯輕言緇釋所以總也喪服及此

語注曰緇猶逸也喪服記曰改葬總韓子說喪服及此

傳曰此皆謂子之於父母妻爲夫如子其他皆無服以其

服則弔服而加麻猶遠也下謂服之最輕者也以其

遠故其服輕也韓從江說以范爲非案鄭君喪服記注

服總者臣也子也妻也韓說是也喪服傳說總之制十

五升抽其半有事其縷無事其布江云易服而葬者疏

引檀弓弁經葛而葬與神交之道也鄭君注云接神之

道不可以純凶天子諸侯變服而葬冠素弁以葛為環

經既虞卒哭乃服受服也又喪服記注曰總三月而除

之或曰卻尸以求諸侯停尸七年以求諸侯會葬非人

卻也廣韻云節也退也此卻尸蓋取退義謂卻退其下

柩之期尸即是柩對文則異散則通也左傳曰緩也是

同或說傳始載之本不可從張大享據之遂天子志崩

以七年間嘗書王命駁未葬不稱使之說天子志崩

不志葬必其時也何必焉舉天下而葬一人其義不疑

也補曰不志葬謂平桓惠定靈五王非魯不會葬蓋舊

史皆有之矣君子以為魯史非周史比改立不志葬

之例取義於必其時明其不疑於不葬也文選注引劉

兆注曰舉盡也其義文九年作其道義道一也不志葬

為必其時公羊亦同獨五王不志葬故也危不得葬

葬者說其喪二十八年靈王崩下志葬故也危不得葬

也補曰志葬謂襄匡簡景四王此改曰近不失崩不志

崩失天下也史京師去魯不遠赴告之命可不踰旬而至

不志崩謂莊僖頃三王也周有赴告於魯為近地則千

里屬則文昭理必赴崩史不失志今經不志明史本無

近而失之知其不赴近而不赴是失天下君子將使人
考其事知其義也汁言不踰句甚言其速耳以平王簡
王之崩觀之當言不踰二句左傳例曰凡崩薨不赴則
不書方苞本程子語為說曰抑於此見經因魯史有可
損而不能益焉天之崩雖易世以後可考而知而魯
史所無者不收益也其文則史而義即於是乎取焉此
其較著者也文燕案自天子志獨陰不生獨陽不生獨
崩以下總論周諸王崩葬事
天不生三合然後生徐邈曰古人稱萬物負陰而抱陽
其冲和之功而神理所由也為二氣之和極發揮之美
者不可以柔剛滯其用不得以陰陽分其名故歸於冥
極而謂之天凡生類稟靈知於天資形於二氣故又曰
獨天不生必三合而形神生理其矣補曰陰謂母陽謂
父注似未了其解天字則是也人之生受形於母得氣
於父稟靈於天皆合焉而後為人楚辭天問曰陰陽三
合何本何化邵子曰氣者神之宅也體者氣之故曰母
宅也體氣神即陰陽天歟注萬物二句老子文故曰母
之子也可天之子也可補曰凡為母之子者皆天之
從可**尊者取尊稱焉卑者取卑稱焉**王尊故稱天子
知**尊者取尊稱焉卑者取卑稱焉**衆人卑故稱母子

秋紀季以鄒入于齊也○撰異曰鄒左氏本又作鄒鄒紀

補曰喪服傳曰禽獸知母而不知父野人曰父母何算
焉都邑之上則知尊祢矣大夫及學士則知尊祖矣諸
侯及其大祖天子及其始祖之所自出謂祭天也案此段
與傳義相表裏夫禘也祖也太祖也始祖之所自出謂
神吾心之鬼神也故祭祀之天吾之天也祭之天者三
合是也此為道之本教之至說文曰古之神聖人母感
天而生子故稱天子是乃漢儒聖人無父之妄說不足
據也董仲舒繁露亦有獨陰以下數語蓋是古書成文
彼無獨天句中二句作父之子也可尊母之子也可卑
似是而非當其曰王者民之所歸往也引逸周書謚法
由轉寫妄改其曰王者民之所歸往也引逸周書謚法
仁義所往曰王謂身有仁義為衆所歸往也王往同聲
為訓呂氏春秋曰帝也者天下之適也王也者天下之
往也適亦往也自獨陰以下又論稱天子稱王之義推
此知天王者合二稱為稱也何休解天子義以為時吳
楚上僭稱王者不能正而上自繁於天春秋不正者
因以屬是非劉敞孔廣森引董仲舒曰古之造文者三
書而連其中謂之王三者天地人
也而參通之者王也皆非傳意

之邑也入于齊者以鄫事齊也

雍曰紀國微弱齊將吞

廟大懼社稷之傾故超然退舉以鄫事齊庶罔不泯宗

事齊者左傳云紀於是乎始判公羊云請後五廟以存

姑姊妹杜預以爲邑入齊爲附庸是也此通解以鄫

入于齊五字義舉經句不出以鄫二字者省文也傳但

言以鄫事齊其父簡略而左氏賈達說以爲紀季不能

兄弟同心以存國乃背兄歸讐書以譏之賈明於穀梁

此數語必殺梁家義也書以者從邾庶其衛孫林父等

文之例庶其之等傳多云以者不以者也明此亦同義

舉後可以包前也黑肱以濫來奔傳云來奔內不言叛

明以邑出奔他國者皆當舉叛爲重故孫林父以戚出

奔晉但書叛不書出奔是其例也此之以鄫入于齊亦
是叛而出奔不舉叛爲重者或當以此凡出奔不重於叛
故以叛爲重而此之入于齊爲附庸事不止於出奔又
重於叛故不言出奔而言入于齊不得以叛爲重也左氏劉
歆賈逵說以爲紀季以鄫奔齊不言叛不能專鄫此說
非也紀季稱字者從許叔蔡季之例傳言許叔許之貴
者蔡季蔡之貴者明此亦以貴舉可知也不言紀侯之
弟某者啖趙以爲兄無惡傳解衛侯之兄輒云目衛侯
衛侯累也則啖趙是也傳與左傳皆無賢紀季之義惟

公羊以稱字為賢之杜預遂據以改左氏舊注范雍因以注穀梁後儒相沿為說誤矣公羊言賢其服罪服罪之說從齊襄復讐而起本不可通於穀梁左氏且公羊但以稱字為賢未嘗謂其非叛故何休注猶以叛為言杜范等并失公羊本意惟孫復杜諤言其惡黃仲炎言其為自全之計家鉉翁謂貶而非褒程端學以為季有罪不可以訓蓋有合**入者內弗受也**齊受人之國故於義不穀梁左氏之舊義也此又言書入之義與凡入同例也齊受叛人之邑非義所當受故為不可受之辭言齊不可受則紀季之罪益著雖不言叛叛可知也疏曰此齊不可受嫌違例故重發之案疏語亦無發明也

冬公次于郎

補曰何休曰次例時○撰異曰郎次止也補曰左氏作滑王夫之曰宜以郎為正

何休曰次者兵舍止之名左傳例曰**有畏也欲救紀而不能也**直文者蓋刺其畏讐不致者蓋舊史無之竟內

兵不告廟也

四年春王二月夫人姜氏饗齊侯于祝丘

饗食也兩君相見之禮以非禮

尤甚故謹而月之凡會書月舊時事有危雖於公發例
亦無所不闕臆正魯地補曰注首二句本杜預訓食者
渾言之饗也於食與燕如左傳鄧侯享楚文王齊侯享
魯定公之類是也何休曰牛酒曰犒加飯羹曰饗月者
再出重也三出者省文從可知例○撰異曰饗本
又作享左氏作享案左傳中凡饗禮食禮之饗皆用祭
享字為獻字於六書為假借猶曲禮月令禮器等篇假饗
食字為祭字也飲享享國與祭獻義相因毛詩儀禮今
文尚書等用饗者亦當為饗甚矣專謂夫人也饗齊
假借二字相亂故記之饗齊侯謂春秋之文言饗以饗
侯所以病齊侯也補曰饗齊侯所以病齊侯之文言饗以饗
夫人加以甚非正之事也女姜失既甚男惡安辭淫妹之
事隱然可見故病之也文姜與齊襄淫亂於饗於諸會
於如齊師皆有焉春秋書會但與會卞之屬一例書如
齊師亦與他書如不殊惟此書饗雖亦記事之直文而
孤之緩緩魚之遺遺如不可掩夫兩君出饗從
無書者而獨書夫人饗其為甚且病不已明乎
三月紀伯姬卒國隱二年履綸所逆者內女卒例曰伯姬失
者三十年傳以為為紀亡略之時紀外夫人不卒此其
未亡卒而即亡猶未葬當以亡論

言卒何也

補曰外夫人通言諸外夫人

吾女也適諸侯

則尊同以吾為之變卒之也

禮諸侯絕旁莽姑姊妹女

同則為之服大功九月變不服之例然則適大夫者不

書卒補曰變者既服其喪則與常日異禮故言變與宣

八年傳變字同義注言變不服之例非傳之變字也此

發已嫁女書卒通例注言適大夫不卒疏謂甚慶齊高

固並逆叔姬無卒文是也

夏齊侯陳侯鄭伯遇于垂

傳例曰不期而會曰遇遇者志

紀侯大去其國

補曰去遠也離也言其亦

人之辭也

補曰葉夢得曰大猶盡也盡無麥禾曰大無

十四年傳記晉伐秦事曰乃命大還汪克寬引為證并

引婦人大歸此滅而奔也謂之大去有奔事無奔文

言民之從者四年而後畢也

此乃合國都之民并其餘邑民皆從君避難而去紀侯

故曰四年而後畢明以紀侯得民不欲言奔也

賢而齊侯滅之不言滅而曰大去其國者不使小人加

乎君子道之弱若進止在己非齊蓋抑無道之強以優有

秋楚世子商臣弑其君其後滅江六不言大去又大去

者於齊滅之不明但知不使小人加乎君子而不言滅

縱失襄公之惡反為大去也鄭君釋之曰商臣弑其父

大惡也不得但為小元年冬齊師遷紀三年紀侯得民之賢

不得變滅言大去也元年冬齊師遷紀三年紀侯得民之賢

入于齊今紀侯大去其國是足起齊滅之矣即春秋因

言大去為縱失襄公之惡是乃經也非傳也且春秋因

事見義舍此以滅人為罪者自多矣補曰疏曰言春秋

有因事見義者不得不舍此以滅人為罪也若晉人執

廣公梁亡之類是也文烝案前文足起齊滅紀亦無嫌不

下文又明稱齊侯則此文本當言齊侯滅紀又言奔如

明故可不言滅也又去者奔之異文若言滅紀又言奔如

齊師滅譚譚子奔莒楚人滅莒莒子奔黃則紀侯為不

能死社稷而其賢隱矣故春秋不言滅也紀侯者以其賢也

言大去不疑為罪文者由於不連邢部亦不知彼傳

之說經密鄭君言齊師遷紀不連邢部亦不知彼傳

誤字

六月乙丑齊侯葬紀伯姬

補曰上齊師齊人故稱齊侯滅紀又不

之異於陳哀公俞皋曰見齊侯之滅紀也胡安國曰外如紀似禮存季似義葬伯姬似仁君子惡似而非者外

夫人不書葬此其書葬何也

補曰疏曰此外外夫人者即謂

當書卒不合稱葬文烝案諸外夫人及內女為外夫人者惟

者魯多會葬史於內女志卒亦必志葬至君子並削之則其存而不削吾女也失國故隱而葬之

紀之也補曰注二語本後三十年葬叔姬傳文但彼傳是總發伯姬叔姬卒葬四文之義就日不日言之此

傳則直論伯姬書葬之義以包叔姬與彼傳義各別也隱伯姬叔姬之失國猶隱宋共姬之卒災皆於其書葬

見之至於閔紀之身自不可與宋共姬類論起不專在二姬之身

秋七月

冬公及齊人狩于郕

郕齊地補曰非也即取諸宋齊人者

齊侯也

補曰公親出與

其曰人何也卑公之敵所以卑

公也

言內無貶公之道補曰卑之猶

何為卑公也不復警

而怨不釋

釋補曰能復舊則善矣既不能復則怨不可

釋怨也

補曰刺其釋怨相見故為卑公之文也公羊釋

故擇其重者而譏焉莫重乎其與警狩也公羊之言

即傳所謂卑刺公羊言諱而傳不言者言卑刺則諱可

則當不言公而直言及齊侯今言公及齊人則明以諱為義

見諱者其文而卑刺者其義故不言諱則無以知其

為卑刺但言卑刺則諱可知也不致者蓋亦舊史無之

五年春王正月

告廟也

夏夫人姜氏如齊師

補曰孔穎達曰於時齊無征伐之事

師在紀不言會者往其軍師而曰如衆也國故可以言

王綱補注

末

如若言如齊侯則不可補曰此為凡婦人既嫁不踰竟

踰竟非禮也補曰疏曰復發傳者嫌師與國異也孔廣

文丞案如齊師之為非禮當與會同

秋郕黎來來朝○撰異曰郕公羊作倪段玉裁曰公羊蓋

郕國也黎來微國之君未爵命者也黎來名也補曰未

亦曰未王命杜預曰附庸國重發傳者前稱字此

冬公會齊人宋人陳人蔡人伐衛補曰左傳文是齊侯宋

公也補曰公與共伐致來王人之教足見其曰人何也

人諸侯所以人公也補曰人之猶其人公何也逆天王

之命也王不欲立朔也補曰案上經言公及齊人刺釋

之義即寓於諱之文則此經人公當亦同上諱不沒

公直言及齊侯此諱亦不沒公直言公會齊侯其諱亦正

相等但上經卑公專以釋怨相見起義卑之即是諱之
此經人公則不專是齊魯之故乃以逆王命起義會即
無齊齊即非警亦當人公不專為諱也春秋包含萬理
而其義之重且急者乃經之本旨陳傳良趙汭說此伐
衛及後圍鄭以為公與仇人接春秋終諱之萬斯大謂
使若終不相見者其論固是而此經本義猶未得也國
廊不言公亦為諱
此經則不專為諱

六年春王三月壬子突救衛

徐邈曰諸侯不奉王命朔

月也救衛於義善故重子突功不立故著其危補曰疏
日日月之例見危者惟施於內今施之於外者范荅薄
氏云王者安危天下所繫故亦與內同也文烝案何休
曰救例時此經例也史例皆月○撰異曰三月各本誤
作二月今依唐石經十行本呂本中集解張治王人卑
集註程端學本義李廉會通改正左氏作正月王人卑
者也稱人杜預釋例同**稱名貴之也**則非名也鄭君
釋之曰王人賤者錄則名可今以其衛命救衛故貴之
貴之則子突為字可知明矣此名當為字誤爾徐乾曰
王人者卑者之稱也當直稱王人而巳今以其能奉天
子之命救衛而拒諸侯故加名以貴之僖八年公會王

人齊侯是卑者之常稱補曰案何休注意突仍是名與
廢疾異史記自序曰春秋義天無以衰之故褒子突則王美可見
也陸渚曰天子無上無以衰之故褒子突則王美可見
也孫覺曰春秋之義天無以衰之故褒子突則王美可見
可以一善褒也天無以衰之故褒子突則王美可見
者居之雖有惡不加貶焉故善天王之救衛而書子突
之字貶王師之敗績而以自敗為文蓋曰天王無褒又
其善不可掩也則褒其臣天王無貶又其惡不可諱也
則書王師之自敗所善救衛也補曰疏曰計王者有伐
以推尊而責備之也善救衛也無救而云善者朔叛逆
王命天子廢之立其嗣子而遣師往救有存諸侯之功
故曰善不可廢之立其嗣子而遣師往救有存諸侯之功
周禮大司馬及師大合軍以行禁令以救無辜伐有罪
則大平亦有救法書救即為善與上稱名貴之各一義
羅喻義曰春秋筆法空處最奇隱之堯不地不葬知有
亂者桓之堯前書夫人如齊後書夫人孫知有淫者衛
朔之入書王人救衛知有救者善則伐者不正矣此補曰
天子所立之公子黔牟有救者善則伐者不正矣此補曰
通謂凡救凡救皆善非善則沒其救文如襄十一年秦
人伐晉以救鄭彼時晉伐鄭為近正秦救鄭無善春秋
不言救故言救者必善即知伐者之非正矣胡安國得其解

夏六月衛侯朔入于衛其不言伐衛納朔何也據九年伐

納補曰不逆天王之命也
問上經曰不逆天王之命也
不與諸侯得納王之命也
齊納糾言

入者內弗受也補曰此發君入者方欲絕之
若其本未有

國劉敞曰何用弗受也為以王命絕之也補曰絕者國當絕

不與復曰徐彥曰絕有二種一是絕滅其國一是絕去其身
勢之名惡也
補曰與朔入逆

則出順矣補曰疏曰順者比之入國為順仍是惡也
一

朔出入名以王命絕之也補曰公羊解出天子也解入名

曰絕曷為絕
之犯命也

秋公至自伐衛補曰上冬伐此秋至歷四時之久甚於伐

見危不惡事不致此其致何也據襄九年時有穆姜之

須月不
曰注用公羊何休說與襄九年本傳顯侯伐鄭不致則無用

當云據侵宋及伐邾取須句之屬皆不致則無用
末

見公之惡事之成也

補曰不致無用見者此其為惡事矣而云

王人戰也戰在伐後不致則見伐不見戰張自超所云似王人來救而諸侯之師已散衛朔自入于衛是也故下有分惡殺惡文而先以此文見惡之成乃是特變常例轉存史文也僖二十六年至自伐齊傳云危之此亦得兼有危義而見惡之意為多故言見惡也董仲舒曰春秋視人所惑為立說以大明之若此類不言則不見

是之謂大明葉夢

螟

補曰自此後無書螟者高閔曰螟食苗心蠶無所不食螟之為災較蠶為輕春秋之初災之輕者亦書之及其

久也輕者不勝書書其重者耳

冬齊人來歸衛寶

補曰何休曰寶者玉物之凡名說文曰寶珍也○撰異曰左氏作衛俘誤左傳

亦曰寶孔穎達曰案說文保從人采省聲古文保不省然則古字通用寶或作保與俘相似故誤作俘耳文烝案說文孚从爪子古文保亦聲以齊首之分惡於齊也使之采从禾禾古文保保亦聲
如下齊而來我然惡戰則殺矣
然若衛自歸寶於齊過齊

我與王人戰罪差減補曰注全失之首猶主也下齊齊
爲我下也言惡言惡職卽上之惡事經無戰文故言戰
以明之也時齊率諸侯與王人戰共敗王師惡不可道
衛侯以爲有功出寶賂齊齊又讓魯魯齊所以讓魯者公
羊稱齊侯曰此非寡人之功魯侯之力也明魯尤多戰
功故讓魯也衛賂齊而齊讓魯是受賂者魯也鄆大鼎
之賂以取爲文濟西田之賂以齊取爲文取者受賂之
辭今不言取衛賂于齊與取鄆大鼎于宋一例而以齊
人來歸爲文則是以齊爲主但言齊讓賂不言我受賂
而齊之惡戰彰故曰以齊爲主但言齊讓賂不言我受賂
衛侯與齊侯來獻戎捷同文則是經之立文又使若齊
自爲我下而來我並不爲讓賂來而我之惡戰隱故又
曰使之如下齊而來我然惡戰則殺矣此傳之
旨若不取鼎獻捷兩文觀之則不得其解

七年春夫人姜氏會齊侯于防婦人不會會非正也

補曰疏曰防是魯地故重發傳

夏四月辛卯昔恆星不見

補曰各本此經下衍夜中星隕

則正○撰異曰昔本或作晉恆星者經星也常列宿補

左氏公羊作夜公羊一本無

曰六羊曰列星也疏曰周四月夏二月常列宿者南方
七宿也孔穎達曰月令仲春之月日在奎昏弧中鄭云
弧在與鬼南則於時南方之星盡當列見文烝案四方
二十八宿稱經星故木火金水土五星稱緯星合之爲
九星也又古書星辰連文者皆以緯星爲星經星爲辰
謂之辰者以二十八舍日月所會也周禮大宗伯注疏
有此曰入至於星出謂之昔曰補曰此以夕訓昔也廣雅
說凡日入以後日出以前通謂之夜左傳列子注並訓昔
爲夜莊子音義昔夜也案昔之言夕也夕傳列子注並訓昔
故夕昔古通用詩樂酒今夕楚辭注引作今昔是
也周禮膳人注膳之言夕也依說文昔膳本一字不見
者可以見也時而不見我夏小正傳說參則伏曰星無
夜中星隕如雨諸侯之象不見者是復雨鄭君曰衆星列宿
度也劉向曰隕者象諸侯隕墜失其所也又中夜而隕
者象不終其性命道而落補曰爾雅曰隕落也墜也
夏小正傳曰墜也注解如雨非也下論之引鄭君者駿
五經異義文見開元占經也漢書五行志董仲舒劉向
以爲常星二十八宿者人君之象也衆星萬民之類也
列宿不見象諸侯微也衆星隕墜民失其所也夜中者

為中國也不及地而復象齊桓起而救存之也鄉心桓
公星遂至地中國其良絕矣劉向以為夜中者言不得
終性命公羊屈不隨春秋曰雨星不及地尺而復此魯
趙汭曰公羊屈不隨春秋曰雨星不及地尺而復此魯
史舊文漢志承始二年二月癸未夜過中星隕如雨長
一丈二丈釋澤未至地滅至雞鳴止不及地尺而復即未
至地滅也古今星變固有如此者其所謂積氣消散所
故雖多而不見在地之形戴溪謂積氣消散所致蓋此
他異尤重許翰所謂王運終而霸統其隕也如雨是夜
起矣○撰異曰隕公羊作賁後同

中與星既隕而雨必晦暝安知夜中乎補曰春秋之文
與雨借劉歆杜預讀如為雨之雨與不雨之雨異左傳言

皆非也劉敞固言夜雨不足記矣傳舉經下句以釋上
句而先設問辭杜預引集義得之文章之不須臾故下言

其幾而發句如此穀梁子太史公文章之工柳宗元有
得焉往往在發

句處更端處**春秋著以傳著疑以傳疑**曰包全經也補

中之幾也而曰夜中著焉雨幾微也星既隕而雨中微
雨非億度而知補曰著焉雨唐石經

初刻作實著焉雨注第二句當刪**何用見其中也**曰補

謂史何失變而錄其時則夜中矣失星變之始而錄其

以知夜中補曰時如公羊至平曰若時之時一曰夜有

十二時史記補曰十二時謂之十二節曲禮曰信時日孔穎達

亦謂四時及十二時也時者期也時加子日夜中亦曰

夜半依素問天官書吳越春秋及左傳昭五年杜預注

寅日半旦卯日日出辰日食時巳日偶中午日人定子日未

日半丑日雞鳴范意謂史檢漏刻而錄之案周制有挈

壺氏以水火分日夜見周禮及毛詩傳周禮注日以水

沃漏夜則火視刻數漏之箭晝夜共百刻冬夏之閒有

長短焉又說漢法曰大史立成法有四十箭孔穎達

曰於時春分之月夜當五其不曰恆星之隕何也我知

恆星之不見而不知其隕也補曰我者我魯又君子自

星而已莫明我見其隕而接於地者則是雨說也言我

其為何星然後可言雨星今唯見在下故曰隕星補

上來接於下然後可言雨星今唯見在下故曰隕星補

曰此亦設問衛注非也隕與雨皆自上下下之稱疑隕

意與則是放命則是大利皆同著於上見於下謂之

雨著於下不見於上謂之隕豈雨說哉

解經不得言雨

補曰此解如雨也在物言著在人言見傳互文錯言之
著上見下謂上下一時並見著下不見上謂必至下乃
見疏引徐邈以著上為雲著上不可通也隕非雨說故
言如雨公羊曰如雨者何如雨者非雨也非雨則曷為
謂之如雨不脩春秋曰雨星不及地尺而復君子脩之
曰星賈如雨觀乎公羊則傳義益明矣夫雨星不及地
尺而復者傳史之紀實也君子據其文改之曰星隕如
雨春秋之正名也雨雪雨雹時刻不絕雨益上下皆合
舉首即見眾目昭然雨星則異是故不直言雨而謂之
隕如雨也言雨則必先言雨而後言其物言隕則其文
各隨所施星隕與隕霜異蕭楚謂霜以著物然後可知
故先言隕後言霜星麗於天見隕則知之故指言星隕
也星隕又與隕石異傳解隕石云隕而後石左氏說為
隕星杜預謂隕石者見在地之驗不見始隕之星星隕
如雨見星之隕而隊於四遠不見在地之驗也若然則
隕者主於下之辭也先言星後言隕又有主於上之辭
焉其言如雨宜也言星不言石又有不及地之辭焉不
須更言不及地而復也舊史之意經悉該之惟尺者約
計之辭非由實定故置而不論○公羊之不脩春秋王
充解為魯史記是也其解如雨謂雨從地上而下星亦

從天實而復故曰如則未是也案雨從地上而下亦可
通於著上見下之說但讀雨為上聲殊非傳意而以從
地起者之復於地明從天隕者之多引詩雨無正序語案
至與助以為奔流者眾如雨之多引詩雨無正序語案
隕與流異如雨自足見多若讀雨上聲而喻多詩辭有
之非史筆也詩書禮易其文體辭例與春秋各異詩有
韻諸經傳他書亦往往有韻
春秋無韻他書亦往往有韻

秋大水高下有水災曰大水

補曰疏曰復發傳者嫌大水

無麥苗補曰五行傳曰治宮室飾臺榭內麥苗同時也與

無麥苗

淫亂犯親戚侮父兄則稼穡不成麥苗同時也與

黍稷之苗同時死補曰魯於周禮周書當青州兗州之
地青州穀宜稻麥兗州穀宜四種四種者黍稷稻麥也
黍稷稻皆稱苗何休曰苗者禾也生曰苗秀曰禾何說
是也此言麥苗謂二穀或二穀以上苗猶可復種是年
不收者惟麥一穀不升謂之嘆不謂之饑故冬無饑文
凡諸水旱螟螣之等苟其害不至無二穀則但書水旱
而已

冬夫人姜氏會齊侯于穀

穀齊

婦人不曾會非正也

補曰

再發傳者穀是齊邑也文烝案文姜三會皆具發傳明
後洮陽穀下之屬皆同義可知故不復發也文姜之孫
齊不言姜氏既取義於臣子大受命會祿以下皆言姜
氏但以非正非禮取義者前之辭嚴後之辭婉也詩曰
人之無良我以爲兄人之無良我以爲君言人則無善
耳我國人猶以爲君之兄猶以爲國小君也此夫子之
語顏淵所謂親屬之言也春秋因事因時而抑揚輕重
其文游夏不能贊一辭卽文姜孫會諸文可見而穀梁
之合經亦見矣○焦袁禧曰夫人饗齊侯加齊師及諸
會齊侯先儒謂皆以國事出也夫魯既不能討齊齊復
何憚於魯而六七年間二國之交日益狎四鄰既從
齊令亦無一旅之師涉魯竟者皆夫人之爲之也夫人
既歿諡之曰文婦人無武事言文則美備非有非常之
才智何以得此聲乎文烝案金履祥已有此說深合事
情世衰道微邪說紛起故魯桓齊襄皆獲美說而桓妻
別作諡焉然猶爲之肆大書者以其淫而害夫公議不
耳可違

莊閔補注五終

大千五百七十一字
小萬六千零卅七字
補注百四十七字

春秋莊公閔公經傳第三補注第六

穀梁 范氏集解 鍾文烝詳補

八年春王正月師次于郎以俟陳人蔡人時陳蔡欲伐魯故出師以待之

補曰注用左氏賈逵注賈用穀梁家說也此大蓋公不

在故言師不言公非諱也陳蔡稱人者略之為衆辭也

以者內為志之文與桓二年同書者善之別於他之有

畏者也次陞非畏自明故不假加文別之月者為下治

兵次止也補曰有侯文嫌異也此侯待也補曰爾雅曰

甲午治兵補曰不地者于郎也承上次可知左傳曰治兵

也○撰異曰公羊字誤案謂聲之誤也出曰治兵習戰也

經曰兵革將出治其事前爾雅曰向入曰振旅習戰也

威武也孫炎曰幼穉在前贊勇力入曰振旅習戰也

也旅衆也補曰爾雅曰反尊卑治兵而陳蔡不至矣兵

也孫炎曰尊老在前復常法治兵而陳蔡不至矣兵

事以嚴終治兵有嚴整終事故敵人不以嚴終者言君子之取

義如此也兵將出而治兵猶三年因田而大閱亦國之
常禮史以此治兵陳蔡不至最有功效故特志之而經
田以事嚴見義孫子曰將者智故曰善陳者不戰善
信仁勇嚴也劉晝謂之五德以善爲國者不師以德
好也陳謂此之謂也終事之謂善爲國者不師以德
軍陳行列此之謂也善師者不陳師衆素嚴不須
齊之以禮江熙曰鄰國望善師者不陳師衆素嚴不
我歡若親戚何師之爲善師者不陳師衆素嚴不
日乃上兵伐謀善陳者不戰而畏之莫敢戰善戰者不
何乃上兵伐謀善陳者不戰而畏之莫敢戰善戰者不
投兵勝地故無死者江善死者不亡民盡其命無奔背
熙曰辟實攻虛則不死善死者不亡民盡其命無奔背
見危授命義存君親雖沒猶存補曰江熙說愚有取焉
老子曰死而不亡者壽列子曰由生而生故雖終而不
亡李軌法言注曰仁者壽之壽死而不亡名無窮也此
左傳叔孫穆子稱曰立德立功立言雖久不廢死而不
也夫生死者吉凶之極也釋名曰吉實也凶空也然則
死而不亡者以空而猶實也論聖賢之心則有若無
實若虛論鬼神之德則無如虛如實一而二二而一
也孝老氏死而不亡之說實合儒術至言浴神不死則
取義遠求之過深由以道受命之說而過求之謂之不
有物謂之無明由善死不亡之說而過求之謂之不

謂之無生皆聖賢所弗論也此五句承上廣言之皆古
書成文漢書刑法志稱故曰善師者不陳善陳者不戰
善戰者不敗善敗者不亡舜脩百僚咎繇作士命以變
夷猾夏冠賊姦軌而刑無所用所謂善師不陳也湯武
陳師誓衆放禽桀紂所謂善陳不戰也齊桓南服彊楚
北伐山戎存亡繼絕功爲伯首所謂善戰不敗也楚昭
王國滅出亡父老曰有君如是其賢也相與從之或奔
走赴秦號哭請救遂走吳師昭王返國所謂善敗不亡
也疏引舊說曰善爲國者不師謂古明王時導德齊禮
不起軍師而四海賓服則黃帝堯舜是也善師者不陳
若齊桓伐楚不設行陳而服罪也善陳者不死若文王伐崇
能嚴整終事而陳蔡不至也善戰者不死若伯舉之戰吳雖入楚
因壘而崇白服也善死者不亡若伯舉之戰吳雖入楚
父老致死還復楚國也文烝案此皆各以意言其解亡
字又並爲亡國也鈔本北堂書鈔引逸周書大武曰武
有七制一曰政二曰攻三曰侵四曰伐五曰陳六曰戰
七曰鬪善政不攻善攻不侵善侵不伐善伐不陳善陳
不戰善戰不鬪善鬪不敗鹽鐵論曰善克者不戰善戰
者不師善師者不陳文
各有異周書政卽征字

夏師及齊師圍邾邾降于齊師

補曰降義在三十一年傳○
撰異曰兩邾字公羊並作

成其傳曰其曰降于齊師何不使齊師加威於郕也

成者盛也其曰降于齊師何不使齊師加威於郕也

姓之國而與齊伐之是用師之過也故使若齊無武功

而郕自降補曰言不使齊師加威明實齊師加威也左

傳稱郕降于齊師仲慶父請伐齊師公曰不可我實不

德齊師何罪蓋齊不與魯共謀獨自以威力降郕魯為

齊弱郕又同姓不欲直言齊師降郕故婉其文使若郕

自欲降于齊非齊以力降之也不使齊師加威於郕猶

元年不使齊侯得與吾為禮四年不使齊師加威於郕

注未盡其旨公羊以為諱滅同姓變盛言成又辟不言

降吾師非也劉敞曰實共聞盛改謂之成實滅其國改

謂之降實降於魯又獨言齊改白為黑曰己為人皆非

秋師還還者事未畢也

補曰爾雅曰還復返也二字訓同

據其至於國其辭曰復呂大圭云反其故所之辭是也

事未畢者據其至而未至其辭曰還呂大圭云自彼反

此而未至國之辭是也襄十九年傳曰還者事未畢之

辭也加二字則意尤明矣凡訓詁相同字如還復獲得

及暨弗不而乃奔孫刺殺之類春秋別白其辭無所假

借蓋訓詁之法同類相通制作之文正名不苟故鄭君

以論語正名為正文亦自有理也又論語曰君子周而不比小人比而不周王引之據左傳文十八年注哀十六年注離騷注周密也親也合也又據說文大司馬注吳語注比密也親也合也以為周比同訓而尚以義比以利故辨別之王說即朱子說最為明確餘如和同駢秦之旨聞達政事之義聖有恆言孰非春秋之教矣不遜也卒其事補曰以未畢為文者蓋辟滅同姓之國示不遜也逃避也齊襄強暴魯畏之不取伐其師故退避而退也逃避也齊襄強暴魯畏之不取伐其師故退避而去傳言此不言復言還為至而未至之辭者以其退避不欲盡其辭與晉士句略同也左傳上圍鄭實公自將陳傅良以為莊之會齊皆譏故不言公文烝案齊侯或不在而會魯伐親亦不可明言公然則師即公此言師還者當依趙汭以為公至自圍鄭之變文也文十三年公及晉侯盟還自晉公亦言還故言還不嫌非公也傳不說諱公言師者以師之還春秋無一書今特書之明公在矣惟以還義未明故發傳以明之

冬十有一月癸未齊無知弒其君諸兒補曰下年傳大夫

弒其君以國氏者嫌也弒而代之也補曰公孫無知大夫

主月有上六

三

兒補曰重發傳者諸

重發以明
與視吁同

九年春齊人殺無知無知之挈失嫌也稱人以殺大夫殺

有罪也補曰疏曰重發之者月與不月地與不地之異

例王念孫曰大夫二字衍文涉上下文而衍也僖七年

疏引此無大夫二字呂大圭曰踰年而不以成君書之

公及齊大夫盟于暨暨魯地○撰異曰暨左氏作公不及

大夫春秋之義內大夫可以會諸侯云公羊作暨公不及

其盟者故不得以尊卑定內外也今齊國無君要當有任

十三年傳取國者稱國以弑三句同也言今可以及者

以齊無君之故明所以大夫不名無君也禮君前臣名

不沒公又不稱齊人也大夫不名無君也齊無君故大

夫不名補曰言齊大夫既以無君不稱人則當以氏名

見今不名者亦以齊無君故也無君不當稱名又不可

稱字故直書大夫而公羊以為諱與大夫盟使若眾然

劉敞曰諱則沒公足矣文丞以為人者眾辭使若眾當

稱人盟納子糾也不日其盟渝也變盟立小白補曰不

矣無君當齊無君制在公矣補曰制制義當可納而不納

異之補曰買達服虔以為齊大夫來迎子糾公不亟遣故惡

而盟以要之齊人歸迎小白此穀梁家相承說也

內也補曰惡內者即謂不日也魯方積為齊弱幸而營

焉庶幾猶可雪恥計不出此而盟以要齊事機既失恥

辱彌甚故不日以惡之也上言不日其盟渝此又言惡

內者觀其不日則知齊之渝盟觀其渝盟則知此盟

惡內在齊固無信而所惡在內也不致者會大夫也

夏公伐齊納糾之也春秋於內公子為大夫者乃記其奔

子糾不為大夫故不書其奔鄭忽既受命嗣位是以書

其出然則重非嫡嗣官非大夫皆事例所略故許叔禁

季小白重耳通亦不書出補曰納上言伐者公羊以為

伐而言納者猶不能納也案下有小白入則公不能納

糾自明晉納捷菑言弗克納又無伐事公羊非也此實

是伐故言伐傳曰帥師而後納者有伐也謂高偃趙鞅

之屬皆以帥師當伐文君將則不得言帥師故此言伐

也公羊以不稱公子糾為君前臣名范以不稱子糾為

正義補注六

四

挈辭言挈辭是也孔穎達文十四年正義謂不言齊糾者蒙伐齊文與挈辭說異未可用也不言納糾于齊者孔氏以爲此有伐齊之文故不嫌是篡何休曰不月者非納皆爲篡此下有入文則不嫌是篡何休曰不月者非納篡辭孔廣森以爲納不皆爲篡納例皆時孔說亦近是范言許叔蔡季之等討叔蓋本無出事此等或書或不書皆史例之舊也以臧孫紇公子亦不慙觀之則內奔有非卿而書者矣外奔書弟書公子亦不必皆卿也又有宋萬爲卑者○撰異曰左氏舊有二本或作納糾或作納子糾唐定本始以有子字爲正徐彥陸德明所見左氏亦有子字徐彥當是晉宋以後唐以前人或疑爲北齊人也有子字何據鮑叔來言子糾親也謂齊人稱子糾非也此傳便文耳猶述石碣曰陳桓公去矣有當可納寵於王史記仲尼弟子傳子羔曰出公去矣有當可納而不納齊變而後伐故乾時之戰不諱敗惡內也何休年溺會齊師伐衛故貶而名之四年公及齊人狩于郕故卑之曰人今親納讐子反惡其晚恩義相違莫此之甚鄭君釋之曰於讐不復則怨不釋而魯釋怨屢會仇讐一貶其臣一卑其君亦足以責魯臣子其餘則同不復讐也至於伐齊納糾讐當可納而不納爾此自正義不相反也甯謂讐者無時而可與通經納之遲晚又不

齊小白入于齊

例不月故小白亦不月文烝案傳云先入

能全保讐子何足以惡內乎然則乾時之戰不諱敗齊人取子糾殺之皆不迂其文正書其事內之大惡不待貶絕居然顯矣二十四年公如齊親迎亦其類也惡內之言傳或失之補曰此范之謨傳釋經不誤也齊變者謂是時齊人已歸迎小白即上傳淪盟是也當可納而不納以致齊變變而後伐取敗之道故下文直書敗績不復為諱又所以惡內也上惡內謂盟不書日微見惡意此惡內謂戰不諱敗明著惡文皆惡其當可納而不納其義一也當可納而不納與復讐義不相涉所以然者魯所讐齊襄也襄已殺死何讐之有子糾小白據左傳管子史記本信之子襄之弟即以為襄子而讐子亦不為讐罰不及嗣怒不可遷是時而猶言復讐此公羊復百世之讐之妄論非君子意也鄭說未為詳備而委曲推究大慨得之范氏讐無時而可通之言猶襲用公羊語宜多誤矣若然魯與齊已不可以讐之言而後文如齊親迎夫人姜氏入又為不可者夫人所以讐言而後文如匹之愛謂之親膚故讐人之女子姊妹皆不可以為魯夫人故曰夫言豈一端而已夫各有其所當也程子曰春秋窮理之要也張子曰非理明義精殆未可學今於穀梁此年兩傳取黃澤之意而暢之庶不謬於義理於

入不後於伐也故以伐大夫出奔反以好曰歸成十四年衛孫
為主何休曰移惡于魯

公子糾公子小白不能存出補曰以惡即齊公孫無知弑襄

人殺無知而迎公子糾於魯補曰糾與小白皆僑公庶

庶弟宜立長者公子小白不讓公子糾先入補曰齊變

故齊人迎糾糾時小白已入左傳亦云自莒先入也孔穎達申杜曰

伐齊納糾始行即書小白入齊得告乃書故至齊之時補曰

出小白又殺之于魯故曰齊小白入于齊惡之也補曰

七年傳曰以不正入虛國故稱嫌焉爾

秋七月丁酉葬齊襄公諸公子爭立國亂故危之補曰魯

者賊已討以討賊為重師雖在齊猶有人會其葬故史書

八月庚申及齊師戰于乾時我師敗績不言及者主名內

補曰杜預曰時水在樂安界岐流旱則竭涸故曰乾時
范言內卑者非也案左氏公羊戰者公也此無諱文不
言公言承上伐齊可知孫覺趙鵬飛程端學趙汭得之
判知幾謂尚書務於寡事春秋之法文從簡易文烝以爲
省辭以從簡孫氏亦謂春秋之六勝實則史君子脩春秋
聘禮記言辭多則史論語言六勝實則史君子脩春秋
變乎史矣客言及者由內及之不直言師敗績者文承
齊師故言我以相別與我入陳同皆屬文之宜也不致
者此著惡內文
難納正亦惡事

九月齊人取子糾殺之

言子糾者明其貴宜爲君補曰此
本公羊也何休曰以君薨稱子某

言之者著其宜爲君文烝案齊稱人者略之外不言取
從衆辭例不地亦略之不日者實未成君

補曰不以外取於內也宣元年昭二十五年傳皆
曰內不言取其意一也不言取者經例因史例也言取

病內也取易辭也

補曰凡取皆易辭傳因以
明通例左氏公羊例皆同猶曰取其

子糾而殺之云爾

猶言白齊之子糾今取而殺之言魯
不能救護也補曰是彼之子糾直從

內取而殺之若取物然此所以爲病內公羊謂脅我使
我殺之左傳以爲鮑叔帥師來言是也此非韓穿來言

之比故不得書矣劉敞曰內私人之國而奪焉外敗人

之師而脅焉是取其子糾戮之而已矣葉夢得曰此子

路子貢所謂桓公殺公子糾者歟凡義所得殺者殺在

上衛人殺祝嘏齊人殺無知是也義所不得殺者殺在

下齊取子糾殺之楚誘蔡侯般十室之邑可以逃難百

殺之蔡以沈子嘉歸殺之是也十室之邑可以逃難百

室之邑可以隱死補曰內外傳言逃死以千乘之魯而

不能存子糾補曰言大國以公為病矣補曰七句又

冬浚洙補曰杜預釋例曰洙水出魯浚洙者深洙也補曰

訓同毛詩傳浚深也爾雅作濬說著力不足也補曰注

文作容濬謂鑿深通之為阻固著力不足也補曰注

本公羊也何休曰洙在魯北齊所由來

十年春王正月公敗齊師于長勺長勺魯地不日疑戰也疑戰者言

不勉日而戰以詐相襲補曰疑戰猶公羊言疑戰而曰

詐戰疑詐同意何休曰詐卒也齊人語蓋誤疑戰而曰

敗勝內也戰而謂之敗者勝在內舉其勝者言之非是

成敗之也凡敗師不日者皆非成敗之雖發例於內其餘亦無所不通不致者凡敗某師之局皆不致克敵而反無危故也

二月公侵宋侵時此其月何也補曰舊史侵皆月君子略之乃深其怨

於齊又退侵宋以衆其敵惡之故謹而月之補曰惡之而謹月即

往月危往之例疏曰舊說以為公與宿盟經無其事為宿侵宋

公侵之若此則何惡也公與宿盟經無其事為宿侵宋傳無其文是舊說妄文

三月宋人遷宿補曰月者例也遷者遷之者皆同例惟許

如邑也遷紀不月者文承月下蒙之可知也案疏之

論許遷是也論遷紀非也紀不入諸遷例前辨之遷也

辭也陽亦是也補曰公羊引子沈子曰益因而臣之杜

預以為強遷之而取其地也案書堯典竄三苗于三危亦作繁三苗皋陶謨謂何遷乎有苗書序成王東伐淮夷遂踐奄將遷其君于蒲姑周公告召公作將蒲姑葉夢得引此舜與成王二遷以為遷者但徙其地孔傳言

滅奄而徙之者誤也宋人遷宿齊人遷陽亦存其君長
而徙之但諸侯所不得為故見讓焉又謂周禮太司馬
九伐之法有滅無遷蓋伐得之而後遷非以師直遷其
尤見先王之慎乎遷人非如有苗與奄亦不為也其
不地宿不復見也其國亡不復見經不言滅者言滅則殺
其民補曰策夢得曰以遷者猶未失其國家以往者也
遷人為罪義不在地也遷者猶未失其國家以往者也
謂自遷者僞元年邢遷于夷儀成十五年許遷于葉之
類是也彼二傳曰遷者猶得其國家以往者也此傳云
遷者猶未失其國家以往者也補曰未失國家故復
見復見故地遷者較遷之者為愈也傳總明遷有二例
疏曰不於元年遷紀發傳者彼以紀侯賢經變文以示
義非正例故不發之遷陽不發從此省文也遷有二種
傳文三起例此是亡辭之始邢是復國之初許獨自不
月故三發之也范略例云凡遷有亡遷三遷紀遷宿
遷陽是也好遷七邢遷夷儀衛遷帝丘蔡遷州來許遷
葉夷白羽容城是也文烝案范例及疏并言遷紀非也
諸遷外如衛遷于楚丘以不與專封不書杞遷于緣陵
又遷于濇于以其皆言城略而不書知遷于繹晉遷于
新田楚遷于郟事
昔無危史本不書

夏六月齊師宋師次于郎

補曰月者次止也畏我也

補曰重發

傳者嫌外內異也

公敗宋師于乘丘

乘丘魯地

不日疑戰也

補曰孔廣森曰左傳公不子偃曰宋師不整

可敗也自零門竊出蒙皋比而先

疑戰而曰敗勝內也

犯之公從之此詐戰不日之證

秋九月荆敗蔡師于莘以蔡侯獻武歸

莘蔡地補曰獻武

與難甫異者疑戰也○撰異曰武本亦作舞左荆者楚

氏公羊作舞案周禮射有興武馬融云與舞同

也補曰荆以州言楚以國何為謂之荆狄之也補曰狄

欲言詩商頌謂之荆楚以國何為謂之荆狄之也補曰狄

傳與後十四年傳互相備何為狄之聖人立必後至天

子弱必先叛故曰荆狄之也補曰公羊傳四年傳亦言

則先叛漢書賈捐之謂其動為國家難自古而患之今

考殷之中興武丁伐荆楚周之中興宣王征荆蠻並是

後至先叛之事以二代同有此患故言必也陳奐曰楚當夷厲之際其國漸大侵犯中國故宣王中興既命方叔南征又徙封申伯於謝邑以禦南方其事皆在初年至宣王之末當楚若敖之初左傳稱若敖啟辟山林其喪南國之師已載見於國語幽王流廢荆叛不至漸之石是以爲刺平王東遷楚患尤甚申甫與許並勞屯戊魯桓之世楚已稱王漢陽諸姬蠶食殆盡矣○李光地曰學者謂夫子周游諸侯之邦采其國史而作春秋誤也如果夫子參采晉乘楚檣杙而脩春秋楚文以上晉獻以前剪并諸姬滅翼作晉其甚章夫子何用隱之而沒其本乎荆於是始書始通也秦晉以暨晚出之吳越凡其入經之先後皆然也推此例則有赴告而後有書舊史有書而後春秋有筆不以他史益國史故事有治故而遺其以聞見覈所因故事又有革舊而審且信也文烝案左傳例曰凡諸侯有命告則書不告則否師出臧否亦如之雖及滅國滅不告敗勝不告克不書於策又曰凡崩薨不赴則不書既福不告亦不書此自是史氏相承確鑿有據之言杜預以爲周公之垂法史書之舊章蓋近之矣一梁雖無明文而近不失崩一條正周有赴告之證卽公羊亦云卒赴而葬不告觀於崩卒則他事亦可推也災助乃謂公羊穀梁不知有不告則不書之義左氏舊解皆言從告二者之說俱不得中

此其所見卓絕以論左氏則可以論公羊穀梁則未可
學者治穀梁當以李氏此條及僖三十二年徐邈注為
定蔡侯何以名也據僖十五年秦絕之也何為絕之獲
也補曰公羊與此同何休曰獲得也戰而為敵所得文
之蒸柴戰既無勇敗又不死未能奔亡乃見俘獲可絕
不言獲故名又曰戲舞中國不言敗此其言敗何也據宣
年晉荀林父帥師及楚子戰于邲晉師敗績不言敗晉
師補曰經例夷狄敗中國言敗復言戰不直言敗與中
國相敗者同文猶外中國不言敗蔡侯其見獲乎補曰
敗內之直言戰也中國不言敗蔡侯其見獲乎若不
直言敗而言戰則當先言蔡侯及荆戰于莘而後言蔡
師敗績蔡侯既能戰何以見獲乎夫蔡侯所與戰者夷
狄也非晉與秦比也蔡侯君也非齊國書比也言敗雖
見衆力之盡言戰實彰君職之虧是其恥彌深於文不
可其言敗何也釋蔡侯之獲也補曰釋解也解釋之者
也其言敗何也釋蔡侯之獲也補曰釋解也解釋之者
言此以歸猶愈乎執也重發傳者獲諸侯與王臣異也
正言以歸猶愈乎執也重發傳者獲諸侯與王臣異也
獲也

冬十月齊師滅譚譚子奔莒桓十一年鄭忽出奔衛傳曰

出奔齊傳曰朔之名惡也然則出奔書名有二義譚子

國滅無所出也他皆放此補曰爾雅曰滅社稷不言出者

也何休曰取其國曰滅注解不言出杜預用公羊文也

葉夢得曰孟子言周公相武王誅紂伐奄滅國五十而

天下大悅蓋外內亂鳥獸行則滅之先王之政也必武

王周公而後可滅人非武王周公而滅人之國交相滅

之道也鄭玉曰三王之興行一不義殺一不辜得天下

不為也齊桓殺糾得國殺一不辜矣滅譚立威行一不

義矣月者何休以爲惡不死位文烝案月自爲滅兼施

於奔說見昭三十年滅不日例在後十三年傳舊史滅

十有一年春王正月

夏五月戊寅公敗宋師于郕魯內事不言戰舉其大者

補曰重發傳者敗管前其日成敗之也詐相襲得敗師

有伐宋文嫌此與異也

之道故曰成也補曰伯禽之誓曰甲戌我惟征徐戎是
古者戰必結日結日者得正故日之以成其敗之
公羊謂之偏戰者也此為內言敗宋萬之獲也補曰獲

師首發例亦還於外惟殺為變例

秋宋大水外災不書此何以書補曰不書者經王者之後

也補曰魯史為殷之後記災而經仍之也孔子高下有

水災曰大水補曰疏曰重發傳者

冬王姬歸于齊其志過我也補曰此猶外相如以過我書

之禮左傳謂齊侯來逆共姬非也

十有二年春王三月紀叔姬歸于鄆鄆紀邑也紀季所用

故歸鄆補曰何休國而曰歸此邑也其曰歸何也吾女

也失國喜得其所故言歸焉爾江熙曰四年齊滅紀不

所見爾則國滅也叔姬來歸不書非歸寧且非大歸也
叔姬守節積有年矣紀季雖以鄫入于齊不敢懷貳然
襄公豺狼未可閭信桓公既立德行方宣於天下是以
叔姬歸于鄫魯喜其女得申其志補曰傳曰歸者歸其
所也紀國既滅而鄫為齊附庸猶立五廟是得其所家
鉉翁曰夫死無子而終於父母家者非正也終於夫家
正也文烝案喜而言歸者經順魯而喜之也言歸不嫌
若嫁者上繫紀前有以鄫文也注來歸三句本杜預

夏四月

秋八月甲午宋萬弑其君捷

捷宋閔公○撰異曰捷公羊

作接字故賈氏云公羊穀梁曰接是也案
今穀梁不作接爾雅曰接捷也二字通用
宋萬宋之卑者也
非命大夫萬卑者以國氏隱元年稱人之例皆為

卑者也非命大夫萬卑者以國氏隱元年稱人之例皆為
一也前發稱人之例與內之直書其事者並以國氏其實
諸小國無大夫者雖大夫亦稱人足知其亦是卑之即
楚之先亦足兼見也此發以國氏之例乃與內之不氏
相當而曹莒諸小國雖大夫亦以國氏知亦卑之即楚
及吳皆是兼見也惟公子公孫弑君篡國其以國氏則

為嫌文不
入此例

及其大夫仇牧以尊及卑也仇牧閑也

仇牧并衛其君故見殺也桓二年傳

曰臣既死君不忍稱其名今仇牧書名則知宋君先弑補曰仇牧所以為閑者公羊所謂不畏彊禦也疏曰復發傳者孔父先君死發傳以明閑此則後君死故又發傳文烝案孔父為司馬仇牧不知何官要以從晉荀息之例則不從四殺大夫不稱名姓之例

冬十月宋萬出奔陳

宋久不討賊致令得奔故謹而月之補曰疏曰無知既經三年事外大夫齊人得殺

之故書時文烝案左氏載續經三年事外大夫齊人得殺而哀十四年六月宋向魋自曹出奔衛宋向巢來奔十五年夏五月齊高無丕出奔北燕十六年二月衛子還成出奔宋四月齊皆月則知舊史外大夫奔多以為月為例君子悉改從時例而聞以仍舊文存月者為變例也據左傳萬亦卒見討不書殺萬者或史本無之或經欲別於失嫌之文既不書殺萬亦不追書葬也

十有三年春齊人宋人陳人蔡人邾人會于北杏

北杏齊地○撰

異曰齊人左氏是齊侯宋公也補曰齊桓初行伯事足

公羊作齊侯左氏是齊侯宋公也明親來宋亦大國禦說

新立明亦身在會陳蔡邾君蓋亦親至傳不言者略之

左傳曰會于北杏以平宋亂孔穎達補曰疑齊也疑者

齊為會以安定其曰人何也始疑之謂春秋之文也下

之孔說是也傳曰信齊侯也其曰人何也始疑之謂春秋之文也下

傳曰信齊侯也文此即十七年傳曰信之也疑之信何疑焉

之皆謂春秋之文此即十七年傳曰信之也疑之信何疑焉

桓非受命之伯也蓋即古所謂二伯為侯伯也伯者在內曰王者長也

在外則曰侯伯矣戰國策先生王升曰先君桓公九合

諸侯一匡天下天子授籍立為大伯是以二伯為準之即知僖

二十八年賜齊侯命既曰大伯明是以二伯為準之即知僖

霸白虎通曰霸者伯也行方伯之職其釋霸是也其曰

方伯蓋非也案王制八州八伯伯之職其釋霸是也其曰

牧左傳所謂侯牧周禮八命伯作牧是也方伯有曲禮所謂

下為左右此曲禮左傳所謂伯左傳又稱侯伯王官伯

周禮九命作伯是也公羊每言上無天子稱侯伯王官伯

以方伯為侯伯詩韓奕因以其伯毛傳謂韓侯受命為

侯伯又似以侯伯為方伯楚辭天問言伯昌號衰秉鞭

作牧亦似以牧為二伯之伯名稱通借所未審矣詩旄

將以事授之者也

言諸侯將權時推齊侯使伯事授桓

伯故傳謂二伯而箋亦為州伯如鄭序所云更滋殺亂賢

使伯佐牧以為方伯者州牧也牧之下又有州伯二人

上序云責衛伯其下文明言方伯而鄭箋乃謂周之制
伯之則衛宣公為之也下泉有郇伯序所謂思明王賢
伯故傳謂二伯而箋亦為州伯如鄭序所云更滋殺亂
也此年將以伯事授之二十七年遂以諸侯授之此言
授伯事彼言授諸侯其意一也齊桓晉文春秋所重故
繁露言曾子石盛美齊侯安諸侯尊天子而孟子亦
曰其事則齊桓晉文是春秋之志也楊子法言曰聖人
之法未嘗不關盛衰焉堯有天下舉大綱命舜禹夏殷
周屬其子唐虞象刑惟明夏后肉辟三千堯親九族協
和萬國湯武桓桓征伐四克禮樂征伐自天子所出春
秋之時齊晉實子不膠者卓矣崔寔政論曰孔子作春
秋褒齊桓懿晉文歎管仲之功豈不美文武之道哉誠
達權救敝之理楊崔所論最合經旨足與曾子石孟
子之語相為發明者也孟子他日又言以力假仁者霸
五霸假之意五霸者三王之罪人謂之小補此則論語
管仲之意亦即僖二年傳仁不勝道之意乃義理之極
至述作之指歸而不害其為與桓文也蘇洵作春秋論
謂夫子託周公之國以假天子之權蓋曰有周公之心
而後可行桓文之事斯言盡之矣若夫孟子言仲尼之

徒無道桓文之事荀卿董仲舒亦言仲尼之門五尺之
豎子言差稱五伯孟子又言不為管仲言以齊王猶反
手言王不待大文王以百里與夫司馬遷列傳劉向新
序言管仲能霸不能桓文之事備載於經論語稱之不
後儒之推說也夫桓文之事備載於經論語稱之不
無道而羞稱也管仲尊周室豈宜以齊王夫子小其德
非以霸小之至孟子則謂其時有異故夫子為東周謂行
周於魯孟子至齊梁則謂其時有異故夫子為東周謂行
大戴禮孔子三朝記言周昌霸諸侯以佐紂以文王為
西伯故謂之霸猶共工氏之霸九州但其繼世遂王天
下而德又與五霸異以位則霸此非王霸正解也文彙
與唐以位則王以德則霸此非王霸正解也文彙昔年
十四時先君子誨以孟子各條之義謹述遺意因而詳
之俾眾說共貫焉○摠之謂春秋尊王而亦與霸可也
謂春秋貴王賤霸亦司馬光既以霸為伯則謂王霸無
王霸也故孫復李觀司馬光既以霸為伯則謂王霸無
二道也貴王賤霸者以德言之王霸也故孟子荀卿董
仲舒皆以貴王賤霸者以德言之王霸也故孟子荀卿董
雜之也宣帝習穀梁曰可矣乎未乎受命之疑齊桓雖非
家言可與傳相證矣曰可矣乎未乎受命之疑齊桓雖非
之便可以為伯乎未也補曰曰者目經意也此注謂春秋
十六年注為勝彼注解此文謂諸侯之意此注謂春秋

之文此注是也春秋於此文以為可以為疑舉人眾之辭也
事授之乎未可以事授之乎是之謂疑舉人眾之辭也
稱人言非王命眾授之以事補曰注言眾授非也其首
句亦不了上言稱人為疑又釋疑意而稱人所以得為
疑者其理未顯故復言稱人者眾辭齊侯從眾辭則隱
其為伯之迹宋陳蔡邽之君從眾辭則不為從伯之文
故得為疑也左氏公羊之經皆
言齊侯一字之謬而精義混矣

夏六月齊人滅遂遂國也其不曰微國也補曰發例以包

譚遂而不有葉夢得以為妄李廉以為誇大桓公之辭
凡國滅不言其君者公羊曰國滅君死之正也何休謂
舉滅國為重

秋七月

冬公會齊侯盟于柯地柯齊曹劌之盟也信齊侯也曹劌之

無文蓋有信者也公羊傳曰要盟可犯而桓公不欺曹
子可嘗而桓公不怨桓公之信著於天下自柯之盟始
補曰范意以公羊要劫之說為可據而非為請所侵汝
陽田要劫也案荀子稱桓公劫于魯莊此要劫之證戰

國策屢言曹沫劫桓公而魯連燕太子丹皆言反地此
又因請田要劫之證公羊蓋得之劇或作沫者王當云
聲之桓盟雖內與不日信也公盟例曰外諸侯盟例不
誤猶不日補曰此發桓盟之例以申上句意與公羊同
謹日所以明信大信則不假謹之二由洛姑賈首戴寧
毋洮牡丘八盟皆書月此及召陵但書時者此有要劫
之事召陵楚來受盟故略而異之要同以不日為義不
致者離合也又桓會皆不致明安之例在後二十七年
傳○五經異義公羊說復百世之讐古周禮說復讐之
義不過五世許慎謹案魯桓公為齊襄公所殺其子莊
公與齊桓公會春秋不議又定公是魯桓公九世孫孔
子相定公與齊會于夾谷是不復百世之讐也從周禮
說文烝案公羊分別國家以為國可家不可故許氏但
就國君之事折之周禮說與國君之事亦不合

十有四年春齊人陳人曹人伐宋

補曰程子曰將卑師少

莊十一年而後未嘗興大衆也其賦於諸侯亦寡矣終
管仲之身四十年息養天下厚矣惟救邢稱師議其次
也至於秦晉使之不競而已不強致也是以其功卑而
易成胡安國曰益齊以制用兵而賦於民薄矣李廉據

須特異其文矣語云名不言公補曰據柯外內寮一疑

生於不足是之謂乎北杏諸侯俱疑齊桓非受命之伯

之也欲共以事推之可乎今于此年諸侯同共推桓而

魯與齊營外內同一疑公可事齊不書公以著疑

焉同官為寮謂諸侯也至二十七年同盟于幽遂伯齊

侯補曰疏曰舊解謂會北杏不言諸侯是外疑之也今

此會不言公是內疑之也自此以後外內不復疑之故

曰一疑也推尊范注必不得爾范意外內寮者諸侯之

國或遠或近故以外內總之一者同一也文烝案范注

非也舊解是也遠近之國皆為外不得言內傳言外內

寮者外謂宋陳蔡邾內謂魯其於齊皆寮也春秋之文

外則北杏稱人一疑之內則此不言公一疑之傳以內

之一疑解經不言公因蒙北杏并言之明外內之文相

準也柯為離會齊無為伯之事野是大夫會故皆無所

謂疑與此異也外內寮一疑之文意與成十二年上下

一見之正同至於當時外內諸侯之疑齊與否內與

齊之有舊營皆無須論范於北杏傳此傳皆誤解

邾子克卒

補曰儀父

其曰子進之也

其爵補曰至是爵命於

周則進矣經因其進而進之杜預曰蓋齊桓請王命以

為諸侯賈服說以為北杏之會時已得主命案邾卒無

王月甫主大

七

不名者邾近魯情最親故雖小國皆以其名錄觀於邾而

病男薛伯杞子秦伯之史以不名者附庸新進

十有七年春齊人執鄭詹詹羊作贍下同人者衆辭也補

實是齊侯以衆辭以人執與之辭也與合得執補曰衆

稱人明此非貶與此同意皆發明諸以衆辭稱人以執大夫執有罪也鄭

詹鄭之卑者補曰疏曰重發傳者嫌有罪去氏也知非

仲之類是也宛所以卑者不志此其志何也補曰不志

去氏者爲貶鄭伯也史例以其逃來志之也逃來則何志焉補曰

也志逃來何將有其末不得不錄其本也末謂逃來補曰

并志執可言自鄭詹鄭之佞人也補曰說文曰佞善爲佞爾雅

齊逃來侯也公羊謂詹爲甚佞猶書言孔壬矣但謂微

者言執書甚佞也直以佞故志執與傳意小異

齊人殲于遂

補曰劉瓛論汲冢竹書紀年曰齊人殲于遂鄭棄其師皆孔子新意知後人家春秋

經傳而為之文烝案劉謂此經是新意蓋得之其說棄師則非也竹書棄師之文出瑣語晉春秋其父所著史

通明言之猨并以為紀年亦其殲者盡也補曰盡殺然疏也○廣異曰殲公羊作殲

則何為不言遂人盡齊人也無遂之辭也

補曰言遂人者以

遂主其事有遂之辭也言齊人盡無遂則何為言遂補

于遂者以齊主其事無遂之辭也故若遂之存存遂奈何雖不以遂主事其猶存遂也

而遂文自在曰齊人滅遂使人戍之因氏飲戍者酒而殺

之齊人殲焉補曰因氏遂大夫此謂狎敵也狎猶輕也

齊事論其理劉敞孫覺議之非也許翰曰齊師滅譚譚

子孫論其君不誦也齊人滅遂齊人殲于遂其民不歸也孟子謂霸者以力服人非心服也力不賸也胡安國

曰包胥一身可以存楚楚雖三戶可以亡秦足為強而不義之戒

秋鄭詹自齊逃來逃義曰逃齊稱人以執是執有罪也執

是逃義也補曰此為凡書逃者發例其言來則從接公

之例蓋齊惡詹佞而執之公說而受之鄭公既受之故

卑者得志矣公羊曰何以書書甚佞也曰佞人來矣佞

人來矣夫予告顏淵為邦曰放鄭聲遠佞人公羊義可

通也來奔先言來此後言來者葉夢得曰奔以適我為

志逃以舍彼為志也歸入言自者有奉之辭承執稱逃

則不嫌

冬多廢京房易傳曰廢正作淫為火不明則國多廢補曰

也劉向以為廢色青近青祥也廉之為言迷也蓋牝獸

之淫者也時莊公將取齊之淫女其象先見天戒若

曰勿取齊女淫而迷國莊不寤遂取之夫人既入淫於

二叔終皆誅死幾亡社稷左氏劉歆說以為毛蟲之孽

為災杜預曰廢多則害五稼故以災書案春秋諸記異

如蜮蜚而雷之類左傳皆謂之災也疏曰魯之常獸是

螟螣是微細之物不可以數言之

十有八年春王三月日有食之不言日不言朔夜食也補

與正朔晦日既朔告異文足明其為夜食其實夜食亦
言朝也周以夜半為朔夜半後為雞鳴為平旦為日出下
書於策也日出以前通為夜故曰夜食何以知其夜
食也何所據史曰王者朝曰王制曰天子元冕而朝日
有虧傷之處是以知其夜食也補曰疏曰魯事而輒言
王者朝日者言王者朝日所以顯諸侯朝朔也注引王
制者乃禮記玉藻文雩案東門之外者東郊也元冕
者每月朔朝日之服其正月則異大戴禮四代孔子曰
天子盛服朝日于東堂孔廣森以為盛服者袞冕國語
所謂大采朝日東堂者明堂東門之堂迎日東郊反而
禮日東堂也依書傳略說故雖為天子必有尊也貴為
在夏正之朔即此三月矣故雖為天子必有尊也貴為
諸侯必有長也故天子朝日諸侯朝朔何休曰春秋不
其無形故闕疑其夜食何緣書乎鄭君釋之曰一日一
夜合為一日今朔日日始出其食虧傷之處未復故知
此自以夜食夜食則亦屬前月之晦故穀梁子不以為
疑補曰朝朔者北面朝受天子所班朔政謂以每月朔
受之於廟廟經書視朔是也朝日明日尊也朝朔明天
子長也疏曰朝日朝朔禮異皆早旦行事而昨夜有虧

傷之處尙存故知夜食也徐邈云夜食則星無光張靖
 箋廢疾云立八尺之木不見其影並與范意異文烝案
 徐張非但與范異乃於傳外自爲說范引鄭言屬前月
 晦是謂在夜半以前則日出安得尙有虧傷之處吳萊
 又以後世事況之曰世之登泰山者夜半觀海出日人
 世之問猶故於此而或食謂之食朔可矣晝食未可
 也安得不曰夜食乎魏永安二年十月己酉日食地
 下虧從西南角起亦是夜食吳氏於事類頗近亦非傳
 意也唯漢書五行志說此曰史推合朔在夜明旦日食而
 出出而解是爲夜食斯則事核而義得矣日食而出出
 而解較所謂虧傷未復語意尤明

夏公追戎于濟西補曰何休曰以兵逐之曰追追例時其不言戎之伐我何

也補曰據追齊師言侵西鄙以公之追之不使戎邇於我

也邇猶近也不使戎得逼近於我故若入竟望風退走

也補曰言追伐可知矣所追爲戎追者爲公故略文以

示于濟西者大之也何大焉爲公之追之也言我遠來

大有徒衆以公自追之知其審然補曰注非也濟西猶

言河陽不限於地名故爲大濟西大公猶河陽大天子

也大公者華戎之辭大天子者君臣之辭傳言何大焉
為公之追之者就地名如追齊師至雋云者以為不可也
追戎而但錄其地名不言地名不言至言于皆以戎故也不致
不言伐某鄙不言地名不言至言于皆以戎故也不致
者竟內兵也

秋有蜚

京房易傳曰忠臣進善君不識厥咎國生蜚補曰

向以爲蜚生南越越地多婦人男女同川淫女爲主亂
氣所生故聖人名之曰蜚蜚猶惑也在水旁能射人射
人有處其甚者至死南方謂之短狐近射妖死之象
也時莊將取齊之禍莊不寤遂取之入後淫於二叔
生淫惑篡弑之禍莊不寤遂取之入後淫於二叔
以死兩子見弑夫人亦誅○蜚異曰蜚本亦作蜚陸渚
纂例曰三一有一匹曰有補曰疏後一說有一有一
傳皆然一有一匹曰有謂或有有有時或有無時言不
常也蜚蠱之類是常有之物不言有也文烝案一猶或
也王制禘一類是常有之物不言有也文烝案一猶或
在本一則在末義皆爲或也傳言一否夏小正傳一則
不作無疑經字無冰之等非其舊矣徐彥曰不書來者
亂氣所生不蜚射人者也蜚短狐也蓋含沙射人補曰
從外來故也蜚射人者也蜚短狐也蓋含沙射人補曰

三足生於南越南越婦人多淫淫女惑亂之氣所生也
 陸璣毛詩義疏云蓋短狐一名射景在江淮水中人在
 岸上景見水中投人景則殺之或謂含沙射人入皮肌
 其創如疥左傳及詩正義與此疏同毛傳說文皆曰短
 狐也說文又曰似鼯三足以氣射害人音義曰本草謂
 之射工左傳音義同詩音義曰俗呼之水弩陸璣前一
 說徐彥引草木志同後一說范所用服虔說左傳亦同
 以為偏身渡渡或或故為災也五行志狐作狐左傳音
 義曰狐
 又作狐

冬十月

莊閔補注六終

大千五百八十七字
 小圖三千百廿五字
 補注七字